



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2013. GODINU POLITIČKE ORGANIZACIJE E-STRANKE GRAĐANA TUZLA

## SADRŽAJ

MIŠLJENJE REVIZORA .....	3
1. UVOD .....	4
2. PREDSTAVLJANJE POLITIČKE STRANKE .....	4
3. OPIS PREGLEDA I KONTROLE FINANSIJSKOG IZVJEŠTAJA .....	5
Predmet pregleda i kontrole .....	5
Cilj pregleda i kontrole .....	5
Obim pregleda i kontrole .....	5
4. PRETHODNE KONTROLE I REVIZIJE .....	5
5. NALAZI I PREPORUKE .....	5
5.1. NALAZI.....	5
5.2. PREPORUKE .....	6

## MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Političke organizacije e-stranka građana Tuzla za 2013. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

**Pregledom godišnjeg finansijskog izvještaja za 2013. godinu, utvrđeno je da je Politička organizacija e-stranka građana Tuzla prekršila odredbe člana 11. i člana 12. stav (1) i stav (3) Zakona o finansiranju političkih stranaka.**

**Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.**

## 1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Političke organizacije e-stranka građana Tuzla za 2013. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Politička organizacija e-stranka građana Tuzla se finansirala iz sljedećih izvora:

Red. br.	Vrsta prihoda	Iznos u KM	Učešće u uk. prih. %
1	Članarina	0,00	0,00%
2	Prilozi fizičkih lica (3-a)	1.560,00	100,00%
3	Prilozi pravnih lica (3-b)	0,00	0,00%
4	Prihodi od imovine (3-c)	0,01	0,00%
5	Prihodi od pr.lica (3-d)	0,00	0,00%
6	Prihodi od poklona (3-e)	0,00	0,00%
7	Prihodi iz budžeta (3-f)	0,00	0,00%
8	Prihodi od propagande (3-g)	0,00	0,00%
9	Ostali prihodi	0,00	0,00%
<b>I</b>	<b>Ukupni prihodi</b>	<b>1.560,01</b>	<b>100,00%</b>
<b>II</b>	<b>Kreditno zaduženje kod banaka</b>	<b>0,00</b>	<b>0,00%</b>
	<b>Izvori finansiranja (I+II)</b>	<b>1.560,01</b>	<b>100,00%</b>

U godišnjem finansijskom izvještaju stranka je iskazala ukupne rashode u iznosu od 1.555,91 KM.

## 2. PREDSTAVLJANJE POLITIČKE STRANKE

Naziv političke stranke: Politička organizacija e-stranka građana Tuzla. Skraćeni naziv: esg.

Politička organizacija e-stranka građana Tuzla je upisana u registar političkih organizacija kod Općinskog suda u Tuzli rješenjem broj: 032-Reg-13-000834 od 24.06.2013. godine.

Sjedište političke stranke je u Tuzli, ul.Albina i Franje Herljevića br.7

Ovlašteno lice za zastupanje stranke u 2013. godini je Hamdija Avdić, predsjednik.

Lice ovlašteno za podnošenje finansijskih izvještaja za 2013. godinu je Hamdija Avdić.

Prema podacima iz godišnjeg finansijskog izvještaja za 2013. godinu, Politička organizacija e-stranka građana Tuzla nema niže nivoe organizovanja.

### 3. OPIS PREGLEDA I KONTROLE FINANSIJSKOG IZVJEŠTAJA

**Predmet pregleda i kontrole** je godišnji finansijski izvještaj Političke organizacije e-stranka građana Tuzla za 2013. godinu.

**Cilj pregleda i kontrole** je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

**Obim pregleda i kontrole** finansijskog izvještaja Političke organizacije e-stranke građana Tuzla obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

### 4. PRETHODNE KONTROLE I REVIZIJE

Kontrola finansijskog izvještaja se obavlja prvi put.

### 5. NALAZI I PREPORUKE

#### 5.1. NALAZI

**Na osnovu obavljenog pregleda, utvrđeno je da je Politička organizacija e-stranka građana Tuzla prekršila odredbe člana 11. i člana 12. stav (1) i stav (3) Zakona o finansiranju političkih stranaka.**

Na osnovu finansijskog izvještaja i finansijske dokumentacije koju je na zahtjev Centralne izborne komisije Bosne i Hercegovine dostavila politička stranka, utvrđeno je da stranka nije uspostavila potpune evidencije o svojim prihodima i rashodima i da godišnji finansijski izvještaj nije podnijela na način kako je propisala Centralna izborna komisija Bosne i Hercegovine, čime je prekršila odredbe člana 11. i člana 12. stav (1) i stav (3) Zakona o finansiranju političkih stranaka.

- (1) Uvidom u izvode sa transakcionog računa stranke, utvrđeno je da je jedno fizičko lice uplatilo sredstva u iznosu od 110,00 KM.<sup>1</sup> Stranka, međutim, nije u finansijskom izvještaju, niti u poslovnim knjigama iskazala prilog ovog fizičkog lica, čime je prekršila odredbe člana 13. i člana 14. Pravilnika o godišnjim finansijskim izvještajima političkih stranaka.
- (2) Uvidom u obrasce 3 (izvori finansiranja) i 3-e (nenovčane donacije i računi koje politička organizacija nije imala obavezu platiti) godišnjeg finansijskog izvještaja utvrđeno je da stranka nije iskazala nenovčanu donaciju fizičkog lica po osnovu besplatnog korištenja poslovnog prostora, čime su prekršene odredbe člana 13. i člana 18. Pravilnika o godišnjim finansijskim izvještajima političkih stranaka.

---

<sup>1</sup> Transakcioni račun Unicredit banke broj: 338440221407668 uplate Avdić Amire na Izvodu br. 1 uplatila 100,00 KM i na izvodu br. 7 uplatila 10,00 KM.

Naime, prema podacima iz Ugovora o zakupu utvrđeno je da je stranka u periodu od 04.07.2013. do 31.12.2013. godine koristila bez plaćanja zakupa stan u vlasništvu fizičkog lica<sup>2</sup>, površine 66 m<sup>2</sup>.

- Stranka, takođe, nije na obrascima 4 (ukupni rashodi) i 4-1 (režijsko-administrativni i ostali troškovi) finansijskog izvještaja iskazala troškove zakupa poslovnog prostora, čime je postupila suprotno odredbama člana 21. i člana 22. Pravilnika o godišnjim finansijskim izvještajima političkih stranaka.

## 5.2. PREPORUKE

*Preporučuje se Političkoj organizacije e-stranci građana Tuzla da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:*

- *da vodi potpune i tačne evidencije o svojim prihodima i rashodima, odnosno da poslovne knjige vodi u skladu sa računovodstvenim propisima i*
- *da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka.*

## KOMENTAR

U ostavljenom roku, Politička organizacija e-stranka građana Tuzla nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2013. godinu.

Šef Odsjeka za revizijske poslove

Sanja Tošović

Revizor

Nevenko Andan

Šef Službe za reviziju

mr.sc Hasida Gušić

---

<sup>2</sup> Ugovor o zakupu sklopljen dana 04.07.2013. godine između Avdić Hamdije i Političke organizacije e-stranka građana Tuzla.